

## Der fünfft taye.

auff ein dreysfuß/ vnd mach ein gech feür darunter nit zu groß/ vñ laß steen also lang biß sunst ein kraut gesieden mag/ thu es dann auß vnd laß erkalten vñ nim des roten weins im hasen/ den thu in ein pfelein vnd send kümel/ schlehen vnd bacholtern darein / vnd schüt es in das haubt/ teyl es wol vmb vnd vmb/ vnd laß es zufallen/ zerspalt es dan gar/ geuß essig oder senff daran/ vnd trag es für.

## Das fünfft taylor sagt von essig vnd wein:

### Das erst Capitel.

¶ Der essig wirt manigfeltiglich gemacht. Zum ersten/ nim die aller feürsten weinber/ trück sie auß vñ seyß sie durch ein tuch / geuß darein gutten alten essig/ laß es steen/ so es sich gesetzt hat/ so seyß es von den heffen/ vñ thu mer der außgetruckten sauren weinber darein/ laß aber gesteen/ seyß es wol ab/ vñ thu das also oft als du sein vil wilt haben

### ¶ Das ander Capitel.

¶ Item von wein macht man auch essig/ also. Thu alten wein in ein klein fesslein nür halb/ vnd setz es an die Sonnen/ oder besser ist es zum feür/ vnd laß es steen also an der werm/ so wirt es gutter essig.

### ¶ Das dritt Capitel

¶ Item nym ein krug der von altem essig seer schmeck/ vnd geuß dar ein wein biß zum halben teyl/ verstopff in wol/ vñ setz es in einen kessel vol siedens wassers ob dem feür / wer das er darinnen etwas wenig send/ so wirdt es zu essig.

### ¶ Das vierdt Capitel.

¶ Geuß in einen hasen oder krug alten wein/ thu gutten rocken feür/ teyg eins ayes groß darein in ein tüchlein wol verbunden/ vnd setz es zum feür/ laß ein wenig sieden/ vñ setze es hyn da wirt guter essig von

### ¶ Das fünfft Capitel.

¶ Item thu alten wein inn ein hasen oder in ein kessel/ den laß sieden/ schatim in/ vñ mach in zu begrab in in ein keller in die erdt/ laß den drey tag steen / grab in wider auß vnd laß wider ein kleinen wol thun setz in hyn/ da wirdt gutter essig auß.